

Bibel fa Kjinja

brinj't junt

De Rikja un de Oama



Jeschräwen von: Edward Hughes
Jemolt von: Alastair Paterson un M. Maillot un
Lazarus
Toom Pauss jestalt von: M. Maillot un Sarah S.
Äwasat von: Ed Zacharias
Häjestalt von: Bible for Children
www.M1914.org

BFC
PO Box 3
Winnipeg, MB R3C 2G1
Canada

©2022 Bible for Children, Inc.

Jesazlich: Du doascht dise Jeschicht oppnämen ooda drekjen,
soo lang aus du dee nich vekjafst.


1

Jesus wist daut väle Leida mea Leew
fa Jelt hauden aus fa Gott. En eene
Jeschicht von twee Mana weess
hee daut Jelt nuscht halpt wan
eena stoaft. Daut Jelt brinj't
eenem nich nom Himmel.



2

Doa wia een rikja Maun. Hee haud sea schmocke un diere Kjeeda. Am leet et no eenen Kjennich.




3

De rikja Maun haud sea scheenet Äten. Jieda Moltiet wia soo aus een Fast. Met sien Jelt kunn hee irjentwaut kjeepen waut am jankad, to Freestikj, Meddach, Owentkost ooda tweschenenn.



4

Bie däm rikjen Maun sien Puat lach een oama, kranka, vehungada Pracha. Hee heet Lazarus.



5

De oama Lazarus haud een deel Schwäaren. Veleicht wia hee krank ooda veschloagen von schljachte Menschen. Veleicht kjeemen de Schwäaren wiels hee nich goodet Äten haud, soo aus Malkj, Fleesch un Jreens.



6

Lazarus wensch hee haud to äten. Hee wudd sikj to daut Äwablietsel von däm rikjen Maun sien Desch jefreit haben.




7

Nobasch äare Hunj kjeemen eenjemol dichtbie däm Pracha. See beschneffelden am un lekjten siene Schwäaren. Kjeena gauf waut rom daut hee vehungad.




8

Een Morjen
wuak Lazarus
nich opp.
De oama
hungaja
eensoma
Pracha läwd
nich mea.
Lazarus wia
jestorwen.



9

Soo schwind aus hee storf,
haud Lazarus daut goot. Jesus
säd daut de Enjel hauden am no
Abraham jedroacht. Gott deed
Lazarus treesten.



10

De rikja Maun storf uk. Aul sien Jelt holp am nu
nuscht. Kjeena kunn am halpen aus de Doot kjeem.



11

De rikja Maun wort begroft. Veleicht wia doa een
grootet Bejrafnis. Veleicht säden de Lied woo
kluak un goot hee jewast wia, oba daut holp am
nu nuscht. De rikja Maun wia enne Hal.



12

Enne Hal roopt de rikja Maun, "Ons Voda Abraham,
schekj Lazarus, daut hee daut Enj von sien Finja en
Wota dukt un miene Tung aufkjeelt; dise Flaumen
kjawälen mie."



13

"Du hautst en dien Läwen
aules un Lazarus haud
nuscht," säd Abraham.
"Nu es Lazarus jetreest
un du woascht jekjwält.
Kjeena kaun äwa dän
deepen Aufgrunt dee
tweschen ons es."



14

"Schekj Lazarus toom miene Breeda woarnen," prachad de rikja Maun, "daut dee nich en dise Kwol komen."



15

"Diene Breeda haben Gott sien Wuat," säd Abraham. "Wan see nich de Bibel jleewen, wudden see uk nich eenem dee vom Doot oppstunt."



16

Aus Jesus von Lazarus un däm rikjen Maun utvetalt haud fruagen de Leida sikj veleicht, "Es mie daut Jelt wichtja aus Gott." Woo wudd an daut gonen wan see nich no Gott sien Wuat horchten?



17

De Rikja un de Oama

Eene Jeschicht von en daut Wuat Gottes,
de Bibel

finjt eena en

Lukas 16

"Wan dien Wuat openboat woat,
jeft daut Licht." Psalm 119:130

18

Daut Enj

44

60

19

Dise Biblische Jeschicht sajcht ons von onsen wundascheenen Gott, see ons jemoakt haft un ons well kjanenlieren.

Gott weet daut wie schljachtet jedonen haben, waut hee Sind nant. De Strof fa Sind es de Doot, oba Gott siene Leew fa ons es soo groot, daut hee sienen eensjen Sän, Jesus, schekjt, daut hee aum Kjriez stoawen sull un de Strof fa onse Sind nämen sull. Dan stunt Jesus vom Doot opp, un fua no sien Tus em Himmell! Wan du dän Gloowen aun Jesus hast, un am frajchst diene Sind to vejäwen, dan deit hee daut! Hee kjemt dan un läft en die, un du woascht opp emma met am läwen.

Wan du dit jleewen kaust, dan saj to Gott: Leewa Jesus, ekj jleew daut du Gott best, un worscht een Mensch toom fa onse Sind to stoawen, un daut du nu wada läfst. Komm en mien Läwen un vejeff mie miene Sinden, soo daut ekj nu niet Läwen haben kaun, un noch emol opp emma no die kom. Halp mie daut ekj die jehuarsom sie, un fa die läw aus dien Kjint. Amen.

Lass de Bibel un räd jieda Dach met Gott! Joh. 3:16

20